

ხელშეკრულება № 01-08-15/945-2021-2

ქ. თბილისი

18 ოქტომბერი 2021 წელი

ერთი მხრივ, სსიპ - საქართველოს ტექნიკური უნივერსიტეტი (შემდგომში „უნივერსიტეტი“) წარმოდგენილი მისი რექტორის დავით გურგენიძის სახით და მეორე მხრივ, ა(ა)იპ სარკინიგზო ტრანსპორტის კოლეჯი (შემდგომში „კომპანია“) წარმოდგენილი მისი დირექტორის მანანა მოისწოდაფიშვილის სახით ვაფორმებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. ხელშეკრულების საგანს წარმოადგენს მხარეთა შორის საგანმანათლებლო სფეროში ურთიერთთანამშრომლობა, მათ შორის უნივერსიტეტის ბაკალავრიატის საგანმანათლებლო პროგრამის „სამოქალაქო ინჟინერიის“ სტუდენტების („პრაქტიკანტი“) საბაკალავრო პრაქტიკის გავლა კომპანიაში.
- 1.2. კომპანია გამოთქვას მზადყოფნას უნივერსიტეტის სტუდენტებისათვის საბაკალავრო პრაქტიკა განახორციელოს ანაზღაურების გარეშე.

მუხლი 2. მხარეთა უფლება-მოვალეობები

- 3.1. „კომპანია“ უზრუნველყოფს: კალენდარული წლის განმავლობაში უნივერსიტეტის ბაკალავრიატის საგანმანათლებლო პროგრამის „სამოქალაქო ინჟინერიის“ 20 სტუდენტის საბაკალავრო პრაქტიკის გავლას, მისამართზე ქ. თბილისი, თემქის-11 მიკრორაიონი, მე-3 კვარტალი, ს/კ 402019917.
- 3.2. სტუდენტთა საბაკალავრო პრაქტიკაზე პასუხისმგებელი პირის (მენტორი) გამოყოფას.
- 3.3. თითოეული სტუდენტის მიერ საბაკალავრო პრაქტიკის სრულფასოვან და ეფექტურ გავლას.
- 3.4. სტუდენტებისათვის კომპანიის შინა განაწესის, ტექნიკისა და ხანძარსაწინააღმდეგო უსაფრთხოების ნორმების გაცნობას.
- 3.5. სტუდენტების დაცვას კომპანიის თანამშრომლების მხრიდან არასათანადო მოპყრობის, შეურაცხყოფისა და უყურადღებობისაგან.
- 3.6. საბაკალავრო პრაქტიკის დასრულებისთანავე თითოეულ სტუდენტზე კომპანიის ბეჭდით დამოწმებული დასკვნა-დახასიათების გაცემას.

4. უნივერსიტეტი უზრუნველყოფს:

- 4.1. კომპანიისათვის პრაქტიკანტების გაგზავნას და მათზე კონტროლს პრაქტიკის პერიოდში.
- 4.2. პრაქტიკაზე პასუხისმგებელი პირის გამოყოფას.
- 4.3. კომპანიასთან შეთანხმებით სტუდენტთა პრაქტიკის გრაფიკის განსაზღვრას;

4.4. კომპანიისათვის პრაქტიკანტი სტუდენტების სახელობითი სიის და პრაქტიკის სილაბუსის მიწოდებას პრაქტიკის დაწყებამდე 1 (ერთი) თვით ადრე.

მუხლი 3. პრაქტიკის ხანგრძლივობა

პრაქტიკის ხანგრძლივობა სტუდენტთა თითოეული ნაკადისათვის განისაზღვრება არანაკლებ 90 საათით სემესტრში, რომელიც შეიძლება შეიცვალოს მხარეთა შეთანხმებით.

მუხლი 4. ხელშეკრულების მოქმედებისვადადაშეწყვეტისპირობები

1. ხელშეკრულება ძალაში შედის ორივე მხარის მიერ მისი ხელმოწერის დღიდან და მოქმედებს 2030 წლის 31 დეკემბრის ჩათვლით.
2. წინამდებარე ხელშეკრულების ვადაზე ადრე შეწყვეტა შესაძლებელია მხარეთა ურთიერთშეთანხმების საფუძველზე, წერილობითი ფორმით შედგენილი, ორივე მხარის მიერ ხელმოწერილი შეთანხმების გაფორმების გზით.
3. ხელშეკრულების თითოეული მხარევალდებულია მეორე მხარეს გადაწყვეტილება ხელშეკრულების ვადაზე ადრე შეწყვეტის შესახებ აცნობოს სულ ცოტა ერთი თვით ადრე მაინც.
4. ხელშეკრულების ცალმხრივად შეწყვეტა შესაძლებელია იმ შემთხვევაშიც, თუ რომელიმე მხარე გაფრთხილების მიუხედავად არ ასრულებს ხელშეკრულებით ნაკისრ ვალდებულებას.

მუხლი 5. ხელშეკრულებისშესრულებისშეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელისშემსლელ გარემოებას, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა აცნობოს მეორე მხარეს წერილობითი შეტყობინების გაგზავნის გზით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.
2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, გადაწყვეტილება უნდა გაფორმდეს ხელშეკრულებაში ცვლილებების შეტანის, წერილობითი შეთანხმების გაფორმების გზით.

მუხლი 6. დავისგადაწყვეტისწესი

მხარეთა შორის წარმოშობილი დავა წყდება ურთიერთმოლაპარაკების გზით, ხოლო შეთანხმების მიუღწევლობის შემთხვევაში საქართველოს კანონმდებლობით დადგენილი წესით სასამართლოს მიერ.

მუხლი 7. ფორს-მაჟორი

1. მხარეთა პასუხისმგებლობას გამორიცხავს ფორს-მაჟორული გარემოებებით გამოწვეული ვალდებულებათა შეუსრულებლობა ან/და არაჯეროვანი შესრულება. ფორს-მაჟორულ გარემოებებად ითვლება ომი, სტიქიური უბედურება, ხანძარი, მასობრივი არეულობა, აგრეთვე ხელისუფლების მიერ გამოცემული ნორმატიული აქტები, რომლებიც ზღუდავს ან აბრკოლებს ვალდებულებათა შესრულებას.
2. თუ ფორს-მაჟორულ გარემოებებს აქვთ დროებითი ხასიათი, მათზე მითითება დაიშვება მხოლოდ იმ პერიოდში, როცა ისინი გავლენას ახდენდნენ მხარეთა ვალდებულებების

შესრულებაზე. თითოეული მხარე ვალდებულია ფორს-მაჟორული გარემოებების შესახებ დაუყოვნებლივ აცნობოს მეორე მხარეს.

3.ფორს-მაჟორული გარემოებების 30 (ოცდაათი) კალენდარულ დღეზე მეტი დროით გაგრძელების შემთხვევაში თითოეულ მხარეს უფლება აქვს ცალმხრივად შეწყვიტოს წინამდებარე ხელშეკრულება.

მუხლი 8.დასკვნითიდებულებანი

- 1.მხარეთა პასუხისმგებლობა განისაზღვრება მოქმედი კანონმდებლობის შესაბამისად.
- 2.ხელშეკრულების ნებისმიერი ცვლილება ან/დადამატება შეტანილი უნდა იქნას მხოლოდ მხარეთა შორის წერილობითი შეთანხმების გაფორმების გზით.
- 3.მხარეები შესაძლებელია შეთანხმდნენ განსხვავებულ უფლება-მოვალეობებსა და პირობებზე, რაც არ უნდა ეწინააღმდეგებოდეს მოქმედ კანონმდებლობას.
- 4.ხელშეკრულება შედგენილია ქართულ ენაზე ორი, თანაბარი იურიდიული ძალის მქონე ეგზემპლარად, რომელთაგან თითოეული ეგზემპლარი გადაეცემა ხელშეკრულების თითოეულ მხარეს.

კომპანია

ა(ა)იპ სარკინიგზო ტრანსპორტის კოლეჯი
მისამართი: ქ. თბილისი, თემქის-11
მიკრორაიონი, მე-3 კვარტალი
ს.კ.: 402019917
დირექტორი
მანანა მოისწრაფიშვილი



უნივერსიტეტი

სსიპ საქართველოს ტექნიკური
უნივერსიტეტი
მისამართი: კოსტავას ქ. 77
ს.კ. 211349192
რექტორი
დავით გურგენიძე

